

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 11. stav 2. Zakona o koncesijama (Prečišćeni tekst) („Službene novine Zeničko-dobojskog kantona“, broj: 5/03), na prijedlog Ministarstva za privredu, Vlada Zeničko-dobojskog kantona, na 148. sjednici, održanoj dana 31.03.2022. godine, d o n o s i

ODLUKU

o dodjeli koncesije za istraživanje ruda obojenih metala na lokalitetu „Saski do“, Općina Vareš

Član 1.

(Predmet koncesije)

Privrednom društvu „Eastern mining“ d.o.o. Vareš (u daljem tekstu: Koncesionar) dodjeljuje se koncesija za istraživanje ruda obojenih metala na lokalitetu „Saski do“, Općina Vareš.

Član 2.

(Lokacija)

(1) Istražni prostor definisan je koordinatama prelomnih tačaka:

Tačka 1	Y= 6 524 260,00	X= 4 890 720,00
Tačka 2	Y= 6 525 040,00	X= 4 890 370,00
Tačka 3	Y= 6 525 010,00	X= 4 890 300,00
Tačka 4	Y= 6 525 180,00	X= 4 890 220,00
Tačka 5	Y= 6 524 920,00	X= 4 889 640,00
Tačka 6	Y= 6 523 280,00	X= 4 890 320,00
Tačka 7	Y= 6 523 630,00	X= 4 890 840,00

(2) Ukupna površina istražnog prostora na pomenutom lokalitetu je 128 ha.

(3) Istražno polje „Saski do“, Općina Vareš čini jedno područje, a definisano je koordinatama prelomnih tačaka i locirano na parcelama kako je prikazano u Studiji o ekonomskoj opravdanosti dodjele koncesije za istraživanje ruda obojenih metala na lokalitetu „Saski do, Općina Vareš, decembar 2021. godina koju je izradio „Eastern mining“ d.o.o. Vareš, Zaključku Općinskog vijeća Vareš, broj: 01-43/21 od 25.02.2021. godine i Zaključku o izmjeni Zaključka Općinskog vijeća Vareš, broj: 01-90/21 od 29.04.2021. godine (po novom premjeru radi se o slijedećim katastarskim česticama koje obuhvataju slijedeće katastarske općine: K.O. Planinica, općina Vareš: 1401/11, 1401/10, 1401/9, 1401/7, 1410, 1413/1, 1414; K.O. Dragovići, općina Vareš: 1498, 1661, 1660/1, 1660/2, 1660/3, dio 1662/1, dio 1663, 1662/2, 1662/3; po starom premjeru radi se o slijedećim katastarskim česticama: K.O. Planinica, općina Vareš: dio 1715/1 SP_VAREŠ, dio 1715/1 SP_VAREŠ, dio 1715/1 SP_VAREŠ, dio 128/1 SP_VAREŠ, 151 SP_VAREŠ, 128/1 SP_POTOCI, dio 1715/1 SP_VAREŠ, dio 128/1 SP_POTOCI; K.O. Dragovići, općina Vareš: dio 365/1 SP_MIAKOVIĆI, 136/1 SP_POTOCI, 128/86, dio 128/85, dio 138, dio 137/1 SP_POTOCI, dio 128/85 SP_POTOCI, dio 137/1 SP_POTOCI, dio 128/87, dio 137/2 SP_POTOCI, dio 137/2 SP_POTOCI, dio 137/1 SP_POTOCI, dio 137/1 SP_POTOCI).

Član 3.

(Ugovor)

Zadužuje se Ministarstvo za privredu (u daljem tekstu: Koncesor) da sa privrednim društvom „Eastern mining“ d.o.o. Vareš, u skladu sa ovom odlukom i odredbama Zakona o koncesijama, potpiše Ugovor o koncesiji za istraživanje ruda obojenih metala na lokalitetu „Saski do“, Općina Vareš definisan u članu 2. ove odluke u roku od 90 dana od dana stupanja na snagu ove odluke.

Član 4. **(Elementi Ugovora)**

- (1) Osnovni elementi Ugovora o koncesiji su:
- a) Vrijeme koncesije za istraživanje ruda obojenih metala na lokalitetu „Saski do“, općina Vareš je ukupno 3 godine. Ovo vrijeme počinje od dana dobijanja Odobrenja za geološka istraživanja mineralne sirovine od nadležnog organa, i uključuje, i eventualno, i vrijeme produžavanja roka za istraživanje shodno Zakonu o geološkim istraživanjima Federacije BiH („Službene novine Federacije BiH“, broj: 9/10),
 - b) Vrijeme koncesije za istraživanje se može produžiti shodno važećim materijalnim propisima,
 - c) Koncesionar je dužan početi sa istraživanjima u roku od 15 dana od dana pravosnažnosti Odobrenja za geološka istraživanja,
 - d) Minimalna jednokratna koncesiona naknada za istraživanje, regulisana Odlukom o utvrđivanju minimalnih naknada za koncesije („Službene novine Zeničko-dobojskog kantona“, broj: 6/13, 16/18 i 9/20) je 150 KM/ha istražnog prostora, pa za koncesioni prostor ležišta „Saski do“, u općini Vareš, čija je površina 128 ha, iznosi 19.200,00 KM (slovima:devetnaest hiljad i dvjestotine KM),
 - e) Koncesionar se obavezuje da u toku istraživanja, u slučaju nailaska na sirovine plemenitih metala, obavijesti Koncesora i iste deponuje u području istražnog lokaliteta,
 - f) U slučaju potvrde od strane nadležnih organa da je dio lokaliteta miniran, Koncesionar je obavezan da o vlastitom trošku izvrši deminiranje predmetnog područja. Koncesionar je dužan početi proces deminiranja nakon potpisivanja Ugovora o koncesiji sa Koncesorom i završiti deminiranje najkasnije u roku od godinu dana od potpisivanja Ugovora. Proces deminiranja će se izvoditi tako da ne ometa proces detaljnih geoloških istraživanja, te je Koncesionar dužan tome prilagoditi Projekat detaljnih geoloških istraživanja na datom lokalitetu.
- (2) Koncesionar je dužan prije zaključivanja Ugovora o koncesiji dostaviti Koncesoru:
- a) geodetski elaborat sa katastarskim planom i identifikacijom parcela,
 - b) uplatnicu na iznos 19.200,00 KM kao dokaz uplate jednokratne koncesione naknade.

Član 5. **(Istraživanje)**

Istražne radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja mineralnih resursa, te drugih važećih zakonskih propisa.

Član 6. **(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-5359/22

Datum, 31.03.2022. godine
Zenica

PREMIJER

Mirnes Bašić

DOSTAVLJENO:

- 1x Ministarstvo za privredu,
- 1x Ministarstvo za prostorno uređenje, promet i komunikaciju i zaštitu okoline,
- 1x Ministarstvo za poljoprivredu, šumarstvo i vodoprivredu,
- 1x „Eastern mining“ d.o.o. Vareš, putem Ministarstva,
- 1x Općina Vareš, putem Ministarstva,
- 1x „Službene novine Zeničko-dobojskog kantona“,
- 1x a/a.